

ZAKLJUČAK

1. Odobrava se preraspodjela sredstava u Budžetu Kantona Sarajevo za 2016. godinu u iznosu 40.000 KM i to:

sa razdjela 18010001 Ministarstvo privrede

sa ekonomskog koda:

614300 - Transfer neprofitnim organizacijama -
IAN041 - Podsticaj razvoju male
privrede - iz primitaka 84.800 KM 40.000 KM

na razdjel 22010001 Ministarstvo kulture i sporta

na ekonomski kod:

614200 - Transferi pojedincima -
MAN0E1- Sarajevo film festival 40.000 KM

2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-29188-42/16

12. oktobra 2016. godine

Sarajevo

Premijer

Elmedin Konaković, s. r.**Ministarstvo privrede**

Na osnovu člana 13. Zakona o poticaju razvoja male privrede ("Službene novine Kantona Sarajevo", broj 29/15), Ministarstvo privrede Kantona Sarajevo donosi

PRAVILNIK**O IZMJENAMA PRAVILNIKA O POSTUPCIMA U
PROVOĐENJU PROGRAMA RAZVOJA MALE
PRIVREDE****Član 1.**

(Izmjene člana 3. Pravilnika)

U Pravilniku o postupcima u provođenju Programa razvoja male privrede ("Službene novine Kantona Sarajevo", br. 17/16 i 30/16), u članu 3. stav (6) mijenja se i glasi:

"(6) Po donošenju Odluke, Ministarstvo provodi postupak javne nabavke usluga plasmana poticajnih kreditnih sredstava u skladu sa zakonima koji pravno regulišu ova pitanja."

Član 2.

(Izmjene člana 15. Pravilnika)

Član 15. mijenja se i glasi:

"Član 15.

(Izbor korisnika poticajnih kreditnih sredstava)

- (1) Banka, po osnovu Javnog poziva za izbor korisnika poticajnih kreditnih sredstava, razmatra zaprimljene prijave aplikantata i u skladu sa ugovorom iz člana 3. stav (7) ovog pravilnika vrši provjeru njihove kreditne sposobnosti, te provodi i druge aktivnosti u skladu sa aktima Banke.
- (2) Odluku o izboru korisnika poticajnih kreditnih sredstava donosi Banka.
- (3) U skladu sa odlukom iz stava (2) ovog člana i ugovora iz člana 3. stav (7) ovog pravilnika. Banka zaključuje ugovore sa korisnicima poticajnih kreditnih sredstava.
- (4) Banka dostavlja Ministarstvu po jedan primjerak ugovora, a po zahtjevu Ministarstva i druge dokumente."

Član 3.

(Izmjene člana 16. stav (1) Pravilnika)

U članu 16. stav (1) mijenja se i glasi:

"(1) Nakon što Vlada donese odluku iz člana 14. stav (6) ovog pravilnika sa kandidatima sa konačne liste ugovorni organ-davalac sredstava zaključuje ugovore o implementaciji poticajnih sredstava (u daljem tekstu: Ugovor)".

Član 4.

(Stupanje na snagu)

Ovaj pravilnik stupa na osnovu narednog dana od dana objavljivanja u "Službenim novinama Kantona Sarajevo".

Broj 07-04-02-28071-15/15

17. oktobra 2016. godine

Sarajevo

Ministar

Dr. Muharem Šabić, s. r.**Ministarstvo za obrazovanje, nauku i mlade**

Na osnovu člana 63. stav (1) Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11, 15/13 i 1/16) ministar za obrazovanje, nauku i mlade Kantona Sarajevo, donosi

PRAVILNIK**O IZMJENAMA PRAVILNIKA O SADRŽAJU I NAČINU
VOĐENJA PEDAGOŠKE DOKUMENTACIJE I
EVIDENCIJE U OSNOVNOJ ŠKOLI****Član 1.**

U Pravilniku o sadržaju i načinu vođenja pedagoške dokumentacije i evidencije u osnovnoj školi ("Službene novine Kantona Sarajevo", broj 20/03, 12/07, 20/10, 38/12, 51/14) član 26. mijenja se i glasi:

"Član 26.

- (1) Pored evidencije iz čl. 22., 23., 24. i 25. škola priprema i donosi Godišnji program rada i izvještaj o realizaciji Godišnjeg programa rada na osnovu Metodologije za izradu godišnjeg programa rada za osnovne škole koja je sastavni dio ovog pravilnika.
- (2) Metodologijom za izradu godišnjeg programa rada osnovnih škola Kantona Sarajevo se utvrđuje jednoobrazna izrada obaveznog i drugih oblika i raspored odgojno-obrazovnog rada, njegov obim i sadržaj, kao i izvještaj o realizaciji Godišnjeg programa rada za prethodnu školsku godinu.
- (3) Metodologijom za izradu godišnjeg programa rada osnovnih škola se definišu i precizno utvrđuju aspekti izrade godišnjeg programa rada, propisuje kontrolni mehanizam za njegovu izradu i donošenje, te se propisuje forma konačnog dokumenta.

Član 2.

Ovaj pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 11-01-05-10096-1-2/16

12. oktobra 2016. godine

Sarajevo

Ministar

Prof. dr. Elvir Kazazović, s. r.**METODOLOGIJA****za izradu godišnjeg programa rada****OSNOVNA ŠKOLA****UVOD**

Savremena organizacija škole, jasni i konkretizirani zadaci za sve zaposlenike, osnovne su pretpostavke njenog uspješnog rada i djelovanja. Dobro osmišljen i realno, u skladu sa mogućnostima, planiran rad, odnosno postavljeni ciljevi, garant su unapređenja rada škole. Savremena organizacija rada zahtijeva da svaki član kolektiva bude nosilac i kreator konkretnih zadataka.

Definirani ciljevi i zadaci treba da djeluju motivirajuće i mobilizirajuće, kako za zaposlenike, tako i za učenike. Godišnjim programom rada, škole potrebno je osigurati jedinstveno djelovanje i koheziju svih njenih činilaca vodeći računa da se rad temelji na savremenoj pedagoškoj praksi i dostignutom stupnju razvoja škole.